



Inatsisartuni ilaasortaq  
Randi Vestergaard Evaldsen  
Inatsisartut  
/Uani

## Kommunini suliniutissat pillugit § 37 naapertorlugu apeqqut nr. 2017-034-mut akissuteqaat

09. februar 2017

Sags nr.  
2017 - 1378  
Dok. nr. 17015484

Asasara Randi Vestergaard Evaldsen,

Inatsisartut suleriaasianni § 37 naapertorlugu pisortat suliassaqrifiini suliassat agguar-neqarnissaat pillugu apeqquteqarputit. Apeqqutit uannut akisassanngorlugit innersuun-neqarput.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
www.naalakkersuisut.gl

### 1. Naalakkersuisunit eqqarsaatigineqarsimanerluni kommunit sinnerinut piumasaqaatigissallugu, siuariartornissamut pilersaarusiortoqassasoq Kommuneqarfik Sermersuup illoqarfiit pingaarnersaattut pilersaarutaanut assingusumik?

Akissut: Kommunit ineriartortitsinissamut suliniutinik immikkut ittunik suliakkerneqarnissaannik Naalakkersuisut eqqarsaatteqanngillat. Kisiannili pilersaarusiorneq nunaminertanillu atuineq pillugu Inatsisartut inatsisaat nr. 17, 17. november 2010-meersoq (Pilersaarusiortarnermut Inatsit) naapertorlugu ullumikkut kommunini sisamaasuni kommunalbestyrelsit kommunini ineriartortitsinermut pingaarnernik suliniuteqarfiusunillu pilersaarusiornissamut pisussaaffeqartinneqareerput – *Kommunimi pilersaarut aamma suliniutissanut pilersaarut*. Tamanna ukiut sisamakkaarlugit pilersaarutinik uteqqiisarnikkut pisussaavoq. Tassani ilaatigut kommunit innuttaasunut suliffeqarfinnullu sinaakkutissanik pitsaasunik qanoq iliorlutik pilersitsisimanerlutik, taamaalillunilu kommunit siumukar-nissamik ineriartornissamillu kiisalu isumannaatsumik toqqammaveqarsinaalluni aningaasaqarnermik nammaneqarsinnaasumik pilersitsisinnaanerminnut nassuiaateqar-tarnissaat naatsorsuutigineqarpoq.

Kommunimi nunaminertatigut, pinngortitamit aningaasaqarnermilu isumalluutinik ataatsi-mut naliliinerit, innuttaasut inuussutissarsiutillu ineriartornerini anguniakkat pisortallu i-mikkoortunut pilersaarutaat ataatsimoortut, kommuneqarfimmi nunaminertanik atuiner-mut ineriartortitsinissamut pilersaarut suliniuteqarfiusoq ataatsimoortorlu, aallaavigalugit kommunimut pilersaarummi allaaserisaqartoqassaaq. Kommunini aaqqissuusseqqinner-mi aamma 2009-mi kommunit kattunneqarnerini anguniagarpiaasoq tassaavoq suliassa-nik pilersaarusiornernullu piginnaasaqarfinnik kommuninut suliakkiinissaq, aammalu nu-nap immikkoortuini najukkanilu aaqqiinissamut periarfissanik annertusititsinissaq.

Tassalu kommunit pilersaarusiortarnerat annertuumik allannguuteqarpoq. Siornatigut teknikkimut atortuunerusunut pilersaarusiortoqartarsimagaluartoq ullumikkut illoqar-fiit/nunaqarfiit ataasiakkaat ineriartortinneqarnissaannut siunertanullu suliniutit ataatsi-mut isiginiarneqartarput. Aalajangersakkap siunnerfigivaa timalimmik pilersaarusiorn-eq, kisiannili kommunimi ineriartortitsineq tamarmiusoq aallaavigineqarluni.

Kommuneqarfik Sermersuup illoqarfimmut pingaarnermut suliniutaa kommunalbestyrelsip pilersaarusiornermut suliniutaannik tunngaveqarluni suliaavoq.

Pilersaarusiortarnermut inatsimmi §§ 34-37 naapertorlugu kommunalbestyrelsit tamarmik pilersaarusiornermi suliniutinut aalajangiisarput. Taakku tamanut ammasumik tusarniaassutigineqartarput, aammalu kommunit nittartagaanni takuneqarsinnaapput imaluunniit uani: <http://www.pilersaarusiorneq.gl/da/Fysisk-planlaegning/Kommunale-planstrategier> Pilersaarusiornermut suliniutit tamarmik ineriartornissamut pilersaarutiniq imaqarput, kommunimi sumiiffimmi sumi aammalu immikkoortuni suni ineriartortitsisoqarsinnaanera siunnersuutigineqarluni. Naalackersuisut peqqussuteqarnissaat pisariaqanngilaq.

## **2. Naalackersuisut nuna tamaat eqqarsaatigalugu siuariartornissamut arlariinnik pilersaarusiornikuunerlutik? Taamaassimappat itisileeqquneqarpusi. Taamaanngippat, tamanna pilersaarutaanerluni?**

Akissut: Naalackersuisut maanna naalackersuisooqatigiit naalackersuisooqatigiinnissamut isumaqatigiissutaat naapertorlugu nuna tamakkerlugu ineriartortitsinermi anguniagassanik saqqummiussipput. Napatitsinermut siuariartornissamullu pilersaarut 2016-imi Inatsisartut akuerisaat suli atuuppoq.

Napatitsinermut siuariartornissamullu pilersaarummi aalajangersimalluinnartumik nunallu immikkoortuinut inuussutissarsiutinik ineriartortitsinermik nutaamillu pilersitsinissap nuna namut tamarmiusumut siaruartitsinissamik pingaarnertut anguniakkat, sanaartornermi ukiumut qulinut pilersaarusiornerep ineriartortinneqarneranut ilaatinneqarpoq.

Immikkoortunut pilersaarutit siumut ingerlanerini suli at ingerlaavartumik saqqummiunneqartarput soorlu nuna tamakkerlugu pilersaarusiornermut nassuiaat Aningaasaqarnermut Akileraartarnermullu Naalackersuisoqarfiup 2015-imi saqqummiussaani.

2017-imi nunap iluani GIS-imut iserfissiaq NunaGIS-ip digitaliseererneqarnissaa aammalu taanna aqutigalugu immikkoortunut pilersaarutit takutinneqarsinnaalernissaat anguniagaavoq. Tamatumani suleqatigiinnissamut tunngavissat pisariaqartut pitsaanerisut pilersinneqarnissaat, aammalu nunatsinni attaveqaatit (soorlu mittarfiit nutaat) ilusilerneqarsinnaanissaat aammalu ineriartortitsiviusinnaasut qanoq iliorluni piviusunngortinneqarsinnaanissaat anguniarlugu pisariaqartumik ersarissititsinissaq pineqarpoq.

Tamatuma saniatigut pilersaarutit suliniutillu, immikkoortunut ataasiakkaanut, soorlu aatsitassarsiornermik ineriartortitsinissamut takornariaqarnermillu ineriartortitsinissamut atillugu suliarineqartut innersuussutigissavakka.

## **3. Kommuneqarfik Sermersuup Borgmesteriata (aamma kommunalbestyrelsip tamarmiusup) tusagassiuutinut illoqarfiillu pingaarnersaata pilersaarutaani oqaatigaat anguniarlugu 2030-mi illoqarfiit pingaarnersaat 30.000-nik innuttaqalissasoq kiisalu 70.000-tit missaanik (Qanorooq sapaatip akunnerani 2-mi) nuna tamarmi innuttaqalissasoq. Anguniakkanut taakkununga Naalackersuisut qanoq isumaqarpat - aamma Naalackersuisut namminneq tamatumunnga tunngatillugu qanoq anguniagaqarpat?**

Akissut: Naalackersuisut kommunit siunissamut ungasissumik pilersaarusiornertut aningaasaliisussanik ujartuinerat, aammalu ilaatigut inuiaqatigiit agguagaanerini aningaa-

saqarnerinilu siunissamut ungasissumut unammilligassanik naammassinninniarnarat ataatsimut isigalugu naammagisimaarpaat. Taamatut anguniagaqarnerit Kommuneqarfik Sermersuup illoqarfimmut pingaarnermut suliniutaanut tunngavissiiginnangilaq, aammali assersuutigalugu aningaasaqarnermi ukiunut qulinut pilersaarummut, Kommune Kujalliup 2014-imi tamanut ammasumik saqqummiussaanut ilaavoq.

**4. Naalackersuisut isumaqataanerlutik, kommunit tamarmik immikkut ilungersorlutik pitsaanerpaamik sulissutigisariaqaraat siuariartornissamut pitsaasunik sinaakkusiornissaq kommuniminnilu periarfissanik pilersitsissasut? Kiisalu kommunit kalaallinut, Kalaallit Nunaata avataaniittunut sinaakktissanik pitsaasunik pilersitsissasut taakkunani angerlarusunermik kiisalu nunap ineriartorneranut suleqataarusussutsimik pilersitsisumik?**

Akissut: Sinaakktissanik pitsaasunik pilersitsinissaq aammalu ineriartornissamut periarfissanillu pilersitsinissat inuit tamat soqutigisariaqarpaat. Tamanna aamma kommunit aamma Namminersorlutik Oqartussat missingersuusiortarnermi suleqatigiinnissamut isumaqatigiissutaanni 2014-imeersumi allassimavoq.

Tamatuma saniatigut nunaqqatitsinnit amerlanerusut Kalaallit Nunaannut angerlarnissaat aammalu nunatsinni ineriartortitseqataanissaat nunatsinni innuttaasunit qinikkat tamarmik kissaatigisariaqarpaat.

**5. Naalackersuisut isumaqarnerlutik nunami borgmesterit nammineq kommuniminni ineriartortitseqqinnissaq akisussaaffigigaat?**

Akissut Borgmesterit kommunalbestyrelsit peqatigalugit aammalu inatsisinut sinaakktissat periarfissarititaasullu iluini kommunit ataasiakkaat ineriartortinnissaannut anguniagaqarnissaat pissusissamisuginnarpoq, naleqq. pilersaarusiortarnermut inatsimmi kommuninut pilersaarutit suliarineqarnissaannut aalajangersakkat – takuuk apeqqut 1-imut akissut. Kisiannilu kommunini politikikkut aqutsisinut akisussaaffinnik agguaasarnarit, borgmesterit saniatigut suliaat pillugit aalajangiiffigisassatut siunnersuummut (UKA2016/136) Naalackersuisut oqaaseqaataanni allassimasut eqqumaffigineqartariaqarput:

- Kommunini aqutsinermut inatsimmi aalajangersarneqarpoq kommunit susasaqarfii kommunalbestyrelsinit aqunneqassasut.
- Kommunilbestyrelsit kommunip aqunneqarneranik aaqqissuussinissaq akisussaaffigaat.
- Borgmesterip nammineerluni oqartussaaffii kommunini aqutsinermut inatsimmi pingaarnertut ukununnga killilerneqarput:
  - suliani kinguartinneqarsinnaanngitsunik imaluunniit nalornilersitsinngitsunik kommunalbestyrelsi sinnerlugu aalajangiinissaq,
  - kommunimi aqutsiviup ulluinnarni aqunneqarneranik isumaginninnissaq aamma kommunalbestyrelsip ataatsimiititaliillu ataatsimiinnerini kiffartuussinissaq,
  - aningaasartuutit isertitalu suulluunniit kommunip ingerlatsinerani pisari-aqartunik aningaasaliissutitaqanngitsut naammassineqannginnissannik isumaginninnissaq.

Kiisalu borgmesteri pisussaavoq aqutsinissamut malittarisassat, kommunalbestyrelsimit akuerineqartut malillugit borgmesterip suleriaasissaanik aaqqissuussissalluni, taamatullu kommunalbestyrelsip pisuni sakkortusisani borgmesteri suliaanik suliassaanillu ar-

saarsinnaavaa. Kiisalu kommunip suliaasa Naalakkersuisunit nakkutigineqarlutik ingerlanneqarnissaat tamanut atuuppoq.

Inussiarnersumik inuulluaqqusillunga

A handwritten signature in blue ink, consisting of several loops and strokes, positioned above the printed name.

Múte B. Egede